



Proget promovût di 'La Vôs dai Furlans' e 'ARLeF'

Lu savevisio
che...?

MAMAN

la VÔS dai FURLANS

**Daria e Bete
nus insegnin...**




Se la lûs e je blancje, parcè viodîno colôrs diferents?
La cusine Bete nus darà la rispueste
cul esperiment dal disc di Newton!

Cjalin insiemi la pontade di
Maman! "La lûs" su



Cuant che la ploie e je daûr a finî e il soreli al torne a
fâsi viodi, cjalaît bande il cîl: o podaressis viodi l'Arc di
Sant Marc. Al è un grant semicercli, tant che une curdele
colorade, cu lis dôs estremitâts poiadis parsore de tiere.
Si forme cuant che i rais dal soreli a passin lis gotutis di
aghe che a son tal cîl, jenfri i nûi. I colôrs dal Arc di Sant
Marc a son siet: ros, zâl, narançon, vert, turchin, perlin e
il colôr viole. Ce spettacul maestôs!

piturre il dissen!



Ridi
a plene
panze!

Cuâl isal il colm par un Arc di Sant Marc?
Cumbinâ une par colôr!

Cumò fâs tu!

Cjale i dissens chi sot e
cjate lis 5 diferencis



Pagjine curade
dal Sportel Regionâl
pe Lenghe Furlane de

ARLeF
AGENZIE
REGIONÂL
PE LENGHE
FURLANE

Vuelistu tornâ
a viodi lis pontadis
di Maman!? **Cirilîs su**



ANCJE
'ON DEMAND'
SU telefriuli

Cjale lis gnovis
pontadis su
telefriuli

Vinars aes 18.30
e in repliche domenie
aes 7.00 e aes 13.00

STELIS E LUSIGNIS
Noa



Roc. Par fâ lis robis,
fasiti judâ dai amis,
ma prime di dâ
ordins cîr di scoltâ
cualchi lôr consei.



Taur. Fasint une
robe che ti plâs une
vore, tu viodarâs
che il timp al passe
intun colp.



Zimui. Tu crodis
simpri di rivâ a
convinci chei altris,
ma dispès ti disin
di sî dome par fâti
un plasê.



Gjambar. Meti in
bande la braûre
nol è sempliç par
nissun, soredut
par te.



Leon. Tu âs di
cjapâ une decision
impuartante,
dopre dut il
timp che tu âs a
dispozizion.



Vergjine. In amôr
alc si môf, ancje se
no tu sâs di precis
ce: lasse che il
timp al lavori.



Balance. Ti è
vignude tal cjâf une
persone che no tu
viodis di un pieç, tu
fasis ben a clamâle.



Sgarpion. Inte
agjende dal cûr tu âs
za cetantis cuistions
viertis, nol covente
zontâ une di plui.



Sagjitari.
Une cuistion ti
somee une vore
imberdeade e tal
ultin al sarâ un parint
a disberdeâle.



Bec di mont. Se tu
ravis a puartâ a cjase
un biel risultât, tu
viodarâs che ancje
chei altris a rivaran di
rive jù.



Agarûl. No tu âs
avonde energjie par
dutis lis robis che tu âs
di frontâ, dopre ben lis
tôs fuarcis.



Pes. Tu tasis masse
su lis robis che ti
fasin tribulâ, invezit di
vierziti di plui cun chei
che ti stan dongje.